

菩薩五法懺悔文

念

失譯人名今附梁錄

十方三世佛五眼照世間三大無不知明見罪福相 弟子某甲等從無數劫來不遇善知識造作一切罪破戒犯四重六重及八重謗法斷善根具足一闍提幸遇諸如來經法賢聖衆能除衆罪者弟子頭面札願諸惡雲消令發無上慧懺悔竟五體作札十方諸佛始登道場觀樹經行未轉法輪無明老死長衰可悲願設法藥救諸疾苦法雨流布枯槁衆生得道明了十方現在佛已度有緣者衆生多懈怠方便現泥洹弟子誠心札請佛令久住一切諸菩薩已發无上意願勤加精進於無佛世界現成等正覺普度諸群生慈悲哀無過佛是故至心請請佛已竟頭面作札
歷世懷妬嫉我慢及恚癡見人得利如箭射心聞人得樂如釘入眼坐此諸罪障墮落三惡道常不遇諸佛今日一心悟發大隨喜心十方三世佛

及彼弟子衆其數無有量從初發一念乃至坐道場四等大布施清淨持禁戒定慧及解脫無量諸知見弟子悉隨意慧心朗然明愚癡暗障滅一念發隨喜功德滿十方智慧如諸佛隨喜已竟五體作札

往返生死中從生故至死從貴故還賤惟未得泥洹法身常清淨波若妙解脫今當求此利所可有福業一切皆和合迴以施衆生共成无上道廣大如虛空無相如真智究竟盡法界金剛空慧常現在前无行神通有感受必應迴向已竟頭面作札

誠心發大願行道如普願慧心如猛風定力如金剛於此迴向後念念轉慈悲捨離愛著想歡喜度一切捨去身命時佛放光明滅除一切難障化生兜率天面觀慈氏尊修相盡具足六根普聰徹聞佛說妙法即悟無生忍皆住不退地乘大神通力周遊十方國供養一切佛无量妙音聲讚歎佛功德二十五有中無時不現身如日照世界光明朗十方一切幽闇處皆為

菩薩五法懺悔文 第三卷 念

作燈明雖得佛道轉法輪現泥洹衆生不盡成佛不捨普賢文殊願發願已竟洗心作札

菩薩五法懺悔文

壬寅歲高麗國大藏都監奉
勅雕造

菩薩五法懺悔文 第三卷

念

菩薩五法懺悔文

校勘記

- 一 底本，麗藏本。
- 一 七三頁上一行及下四行「懺悔文」，
[資]、[磧]、[普]、[南]、[徑]、[清]作「懺悔經」。
- 一 七三頁上二行譯者，[資]作「失譯」；
[磧]、[普]、[南]、[徑]、[清]作「失譯師名開
元附梁錄」。
- 一 七三頁上一行第八字「衰」，[資]、
[磧]、[普]、[南]、[徑]、[清]作「夜」。
- 一 七三頁上一九行「妬嫉」，[清]作「嫉
妬」。
- 一 七三頁中一行第二字「彼」，[資]、
[磧]、[普]、[南]、[徑]、[清]作「德」。
- 一 七三頁中八行「波若」，[南]、[徑]、[清]
作「般若」。
- 一 七三頁中一四行第八字「如」，[資]、
[磧]、[普]、[南]、[徑]、[清]無。
- 一 七三頁中一八行第九字「修」，[資]、
[磧]、[普]、[南]、[徑]、[清]作「衆」。